



**JAVNA USTANOVA  
ZAVOD ZA ZDRAVSTVENU ZAŠTITU  
ŽENA I MATERINSTVA  
KANTONA SARAJEVO**

**INSTITUTION FOR HEALTH  
PROTECTION OF WOMEN  
AND MOTHERHOOD  
CANTON SARAJEVO**

Broj: 10 – 984 -01/15  
Sarajevo, 22.07. 2015. godine

Na osnovu člana 69. stav (2) tačka e), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), članova 30. i 39. Statuta JU Zavod za zdravstvenu zaštitu žena i materinstva Kantona Sarajevo, na preporuku Komisije za javnu nabavku broj: 10-968-05/15 od 20.07.2015. godine, u postupku javne nabavke potrošni medicinski materijal OP 10-01/15, Direktor Zavoda je donio

**ODLUKU  
o poništenju postupka javne nabavke za LOT 5  
sanitetski materijal u otvorenom postupku javne nabavke OP 10-01/15**

**Član 1.**

**Poništava se postupak javne nabavke za LOT 5- sanitetski materijal u otvorenom postupku javne nabavke OP 10-01/15 iz razloga što su cijene svih prihvatljivih ponuda znatno veće od planiranih/osiguranih sredstava za predmetnu nabavku.**

**Član 2.**

Za realizaciju ove odluke zadužuje se APS Zavoda.

**Član 3.**

Ova odluka objavit će se na web-stranici Zavoda [www.zzzm.ba](http://www.zzzm.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Obrazloženje**

**Postupak javne nabavke pokrenut je Odlukom o pokretanju postupka javne nabavke broj: 10-611-01/15 od 01.06.2015. godine.**

**Javna nabavka je sprovedena otvorenim postupkom OP 10-01/15 – Lot 5.**

**Procijenjena vrijednost javne nabavke za Lot 5 bez PDV-a je 4.550,00 KM.**

**Obavještenje o nabavci broj: 567-1-1-8-3-1/15 poslano je na objavljivanje dana 01.06.2015. godine, a objavljeno je na Portalu javnih nabavki dana 01.06.2015. godine, sažetak obavještenja o nabavci objavljen je u „Sl. glasniku BiH“, broj 45/15 od 08.06.2015. godine, ispravka za obavještenje broj: 567-1-18-8-5/15 poslano je na objavljivanje dana 15.06.2015. godine, a objavljeno je na Portalu javnih nabavki dana 15.06.2015. godine, ispravka obavještenja o nabavci objavljena je u „Sl. glasniku BiH“, broj 49/15 od 22.06.2015. godine.**

Komisija za javnu nabavku imenovana je Odlukom broj: 10-612-01/15 od 01.06.2015. godine. Komisija za javnu nabavku dostavila je dana 20.07.2015. godine izvještaj o radu broj: 10-959-05/15 od 20.07.2015. godine i preporuku o poništenju postupka javne nabavke broj: 10-968-05/15 od 20.07.2015. godine, u postupku javne nabavke za LOT 5 – sanitetski materijal u otvorenom postupku OP 10-01/15.

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2. (dvije);
- da su blagovremeno zaprimljene 2. (dvije) ponude;
- nije bilo neblagovremenih ponuda;
- **da ponude ponuđača Ena d.o.o.** Safvet bega Bašagića br.40, 71000 Sarajevo i **Sanam Stryka d.o.o.** Antuna Hangija br.35, 71000 Sarajevo, **nisu prihvatljive iz sljedećih razloga:**

Prilikom ocijena ponude, uočeno je da je u obrascu za cijenu ponude za Lot 5 sanitetski materijal - Aneks 3, u stavci 3. u dijelu količina, zbog tehničke greške navedena znatno veća količina od stvarno potrebne, što je dovelo do znatno većih cijena za navedenu stavku, a što je u konačnici drastično uvećelo ukupnu cijenu ponude za navedeni Lot i nije u skladu sa planiranim/odobrenim sredstvima za realizaciju predmetne nabavke.

Iz navedenog razloga, cijene svih prihvatljivih ponuda za Lot 5, znatno su veće od planiranih/osiguranih sredstava za predmetnu nabavku, te je Komisija uputila preporuku Direktoriju Zavoda da donese Odluku o poništenju postupka nabavke za Lot 5 - sanitetski materijal, shodno odredbi člana 69. stav (2) tačka e) Zakona o javnim nabavkama.


Nadalje, u postupku ocjene provedenog postupka, Direktor Zavoda nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Iz navedenih razloga, primjenom člana 69. stav (2) tačka e) Zakona o javnim nabavkama, te članova 30. i 39. Statuta JU Zavod za zdravstvenu zaštitu žena i materinstva Kantona Sarajevo, odlučeno je kao u članu 1. ove odluke.

#### **POUKA O PRAVNOM LIJEKU**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.



**DIREKTOR**  
**Prim.mr.sci.dr. Mithat Kurtović**

Dostaviti:

- Ponuđaču: **ENA d.o.o.**, Safet bega Bašagića br. 40, 71000 Sarajevo
- Ponuđaču: **Sanam Stryka d.o.o.** Antuna Hangija br.35, 71000 Sarajevo
- Komisiji za javne nabavke
- EFS
- APS
- a/a